



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Acta Ecclesiae Mediolanensis**

Acta Synodalia Dioecesana Ecclesiae Mediolanensis, Pars Secunda

**Borromeo, Carlo**

**Brixiae, 1603**

De Officialibus in genere. Cap. I.

**urn:nbn:de:hbz:466:1-11399**

Vestes exteriores duæ lanæ, violacei altera, altera nigri coloris.

Interiores item duæ, quarû altera hyemis tempore, altera æstate deferatur.

Illa è panno laneo crassiori, hæc è subtiliori (vulgò sarza appellat) sit confecta.

Epitogium, seu vestis domestica, iuxta præscriptam formam.

Pallium, quod ferrarolum appellant.

Pileus ad formam, & birretum, cuius interior pars nigri tantum sit coloris.

Cingulum, quod nec sericum sit, nec reticulatum, sicut neque vincula tibi alium.

Sex ad minimum indusia, quorum collaria, nec crispata sint, nec vlllo artificio elaborata.

Manutergia duo, aut tria: Sudariola tot, quot opus fuerint.

Conciones alicuius probati auctoris, & liber aliquis de rebus spiritualibus conscriptus; prout superiori videbitur; ac ij præterea omnes, quibus in gymnasio necessariò vti debent.

Lectus, capsa, scrinium maius, & minus, scabellum iuxta formam Seminarij, Culcitra stramentitia, Anaclinterium, lintea, lodices ad vsum, tum hyemalis temporis, tum æstiu, ad formam Seminarij.

De fideiussore dando ab ijs, qui Seminarium ingrediuntur, ac testimonio ætatis exhibendo.

Cap. X.

**N**vllus in Seminarium recipiatur, nisi prius idoneum fideiussorem dederit; qui pro eo spondeat, non solum quoad repræsentationem pecuniarum singulis sex mensibus, quas pro victu soluere debet; sed etiam vestitu iuxta Seminarij constitutiones: Et qui, si Clericus è Seminario sine facultate Reverendissimi Archiepiscopi discesserit, aut propter improbitatem, aliamve eiusmodi causam expulsus fuerit; in his omnibus, & singulis, alijsque in formula cautionis cõsuetæ præscriptis, si quid horum contigerit, teneatur pro victu soluere, quæcunque eo nomine Reverendissimus Archiepiscopus, aut eius

Vicarius iusserit, pro eo tempore uniuerso, quo in Seminario commoratus fuerit.

Fideiussores ne accipiãtur, nisi domiciliũ in Ciuitate habeant, & ad præscriptam formã approbati, & collaudati.

Omnes ætatis, & natalium testificationes scriptas, ac illius iudicio, qui à nobis constitutus fuerit, probatas afferant; quas nisi eiusdem subscriptione signatas exhibeant, ne recipiantur.

In ætate Clericorum exscribenda, notetur expressè dies, mensis, annus, quo quisq; natus fuerit, hoc modo.

Natus die        mense        & anno

vt constat ex processu approbato: quò possit facile, quotiescunque opus sit, subducta ratione, haberi ætas vniuscuiusque.

Poterit tamen hæc diligentia prætermitti, si ex libris Matrimoniorum, & Baptismorum testimonium probatum extet: ex quibus describatur ad verbũ exemplum verborum, quibus testatum sit, Matrimonium inter parentes eius, qui recipiendus est, contractum esse, & insuper diei quò quis talis baptizatus est; quo eum ex legitimis nuptijs esse procreatum probetur, ac eius ætas inuestigetur.

## SECUNDA PARS.

Quæ ad Officiales Seminarij pertinent.

De Officialibus in genere. Cap. I.

**S**eminarij Officiales, alij Ecclesiastici, Laici alij esse debebunt; qui cum omnes vitæ integritate conspicui, tum præsertim Ecclesiastici, vita, & moribus probati sint, & in his quæ eorum muneris sunt, exercitati: qui, si fieri possit, omnes ex Oblatorum Congregatione deligantur, ac potissimum Rector eiusdem omnino sit congregationis.

Rector igitur præ cæteris sit ætate prouectus, auctoritate grauis, spectata probitate, ab omni onere residendi solutus, peritus disciplinæ clericalis, ac eius præcipuè, quæ ad Seminarium

Fff        spectat;

spectat; maximeq; expedit, vt ex eorum numero deligeretur, qui olim in Seminario fuerint instituti; atque Ecclesiasticæ Disciplinæ retinens, ac studiosus; & in ijs sit intelligens rebus, quæ sunt temporalis administrationis; omnium primus, eiq; ceteri cuiuscunque ordinis, tam qui in Seminario præcipuo, quam qui in alijs degunt, in functione munerum suorum, ac in omnibus profusis rebus, quæ ad Seminarij referuntur vtilitatem, obtemperare teneantur.

Minister, qui Rectoris vices gerat, thesaurarij etiam, si modò idoneus sit, fungatur officio.

Confessarius, præfectus studiorum, qui ite bibliothecæ curam gerere poterit.

Præceptores tot, quot ad earum classiu, quas supra disposuimus, institutionem requiruntur.

In singulis cubiculis bini præfecti ex clericis ipsis à Rectore constituantur: qui eos potissimum seliget, quos longo vsu, pietate, & prudentia præstare ceteris cognouerit; disciplinæq; ac progressionis Seminarij amantes.

Eisdem pro suo arbitrio mutabit, & amouebit, vt Seminarij rationibus expeditè censuerit.

In Canonica, & alijs Seminarijs foenibus, sint Vicarij ministri, qui Rectori pareant, & illi regimini, & omnium rerum, quæ illic aguntur, rationem reddant; sicut & ministro in ijs, quæ ad eius officium pertinent.

Constituatur præterea hi decem inferioris ordinis serui: obsonator seu emptor, dispensator, Ianitor, Vestarius, qui etiam ægrorum curam gerat; cellarius, qui etiam triclinij curam habeat; famulus Rectoris, qui ab eo non impeditus, alia etiam domestica prout opus fuerit munera præstet: Pistor, scopator, qui Pistori in pane conficiendo auxilietur; coquus, subcoquus.

Hos autem Rector, eodem modo prout visum fuerit, mutabit, & è Seminario dimittet.

Ad hanc item normam dirigatur Seminarij Canonice, & eorum quæ in Diocesi sunt, administratio.

Præter hos, qui domi officia obtinebunt, conducantur duo magistri (si qui dem in Seminario ad id muneris idonei non reperuntur) à quibus in cantu, & scripture clerici erudiantur.

Medicus certus, qui egrotos curet: Chyrurgus, siue tonsor, qui venam secet, cum opus fuerit, capillos tondeat, aliaq; sui muneris officia præstet.

Ratiocinator, qui rationibus subductis summam reddituum, & expensarum Seminarij conficiat, ac in libro maiore conscribat.

Deligantur etiam, qui negotia prædiorum Seminarij procurent.

Quibus omnibus certa merces à Reuerendissimo Archiepiscopo constituitur, adhibito etiam Deputatorum consilio.

Hos autem omnes Rector ne mutet sine Reuerendissimi Archiepiscopi facultate.

Illud præcipue Sacerdotes omnes cõtendant pro viribus, vt clerici eũ finem, qui exspectatur, assequantur: ideo cauebunt, ne quid committant, quod ab Ecclesiastica disciplina, & Seminarij institutionibus alienum sit, quodve, illorum mores corrumpere queat.

Quamobrem obseruantissimi sint institutionum Seminarij, quæ de communi vita, pietate, disciplina, & moribus præscripta sunt.

Singuli onus sibi iniunctum exequantur: quod si interdum impediti fuerint, Rectorem commonefaciant.

Quotidie, nisi legitime impediti, in Ecclesia Seminarij Missæ sacrum ad præscriptum tabellæ in Sacristia asseruandæ faciant: foris autem ne celebrèt, nisi facultatem à Rectore obtinuerint.

Non recipiant, neq; alijs offerant aliquid, quod ad Seminarium attineat, etiam si esculētum, poculentumve sit, nisi prius impetrata facultate Rectoris: neque curent rem aliquam Seminarij singularem, nisi illa ab ipso Rectore, vel Ministro fuerit concessa.

Familiaritatem Clericorum non ament, neque cum domo exierint, aliquem socium infcio Rectore deligant, vel ducant.

Cum Mediolano aliquando discedere cogentur.

ogente necessitate acciderit, Rectorem admo-  
neant, & claves, aliasq; res ad v-  
sum domus necessarias illi, vel Ministro  
restituant.

Extra ædes Seminarij cibum nè ca-  
pian in fœcio Rectore, neque in priuatis  
cubiculis.

Domo egressi, ante Salutatio nis An-  
gelicæ signum redeant.

### De Officio Rectoris. Cap. II.

**I**llud sæpius Rector animo repetat,  
quàm graue suis humeris onus incum-  
bat; cum ab eorum, qui in Seminario  
uiuunt recta institutione, totius Diœce-  
sis reformatio pendeat.

Quapropter, vt qui illius fidei cõmissi  
sunt, eos e Seminario fructus percipiãt,  
quos ecclesia sancta, ac Tridentinum  
præcipuè Concilium sibi proposuit;  
quàm diligentissimè curet, vt in se ipso  
eas ad viuam virtutes exprimat, quas  
in clericis requiret; ita vt qui illi subie-  
cti sunt, in eo tanquam in speculo ex-  
pressam videant eius vitæ imaginem,  
quæ illis omni studio sit effingenda: me-  
mineritq; , exemplum viuam esse Do-  
ctrinã; nec sibi minus cum taceat quàm  
cum loquatur, esse alios ad pietatem in-  
citandos.

Diuinã in primis gloriæ amplificati-  
onem, clericorũ in omni virtute per-  
fectionem semper ante oculos habeat,  
& ad eum finem omnes cogitationes, re-  
ferat, & curas.

Studeat, vt quæ ad spiritualem pro-  
gressum spectant, rectè atque ordine ad-  
ministrantur; vt quotidianæ, aut aliàs  
statæ exercitationes, nisi necessaria de  
causa non intermittantur.

Curam omnium collegiorũ eiusdẽ Se-  
minarij primam, & præcipuam habeat.

Interrogatus à Reuerendissimo Ar-  
chiepiscopo de vniuscuiusq; clerici sta-  
tu, quæcunq; is scire voluerit, fideliter  
aperiat; præcipuè si de ordinibus ei cõ-  
ferendis, aut eo ad curationem animarũ  
mittendo Reuerendissimus Archiepi-  
scopus cogitet; caueatq; , præsertim, nè  
aliquid gratiæ tribuat.

Si quid alicuius momẽti, aut exequi,  
aut innouare necesse sit, non nisi re cum

Reuerendissimo Archiepiscopo cõmu-  
nicata id faciat, eiũq; auctoritatem, &  
consilium sequatur; quod idem seruet,  
si contingat aliquid, cui ipse solus oc-  
currere non possit.

Reuerendissimum Archiepiscopum  
sæpè adeat, etiam non vocatus; vt ab eo  
si quid ad Seminarium pertinens consti-  
tuere velit, cognoscat.

Nè recipiat quemquam, nec eijciat e  
Seminario absque Reuerendiss. Archie-  
piscopi licentiã; ac in clericis recipien-  
dis seruet præscriptam in his recipien-  
dis rationem; poterit tamen eos expel-  
lere, qui in re graui cõtumaces fuerint,  
aut magnum aliquod erratum, & publi-  
cum admiserint.

Curet diligẽter, vt officialibus Semi-  
narij in ijs, quæ eorum muneris sunt, pa-  
reant omnes, ac eos qua debent obser-  
uantia, & reuerentia prosequantur.

Si quid in ijs animaduernerit, quod  
vel scandalũ, asferre, vel labem aspergo-  
re Seminario possit, Reuerendiss. Ar-  
chiepiscopum commonefaciat.

Obseruet diligẽter eorum mores, &  
in suo cuiusq; officio diligentiam; vt de  
statu cuiusq; Reuerendiss. Archiepisco-  
pum docere possit; vt hinc ille intelli-  
gat, quos ministros bonos, & contra mi-  
nus bonos atq; idoneos in cura Seminarij  
habeat; vt alteri in omni progressu  
ad virtutem, alteri ad mores corrigen-  
dos excitentur.

Conuocabit sæpius Præfectum studio-  
rum, Ministrum, Præceptores, Præfe-  
ctos Dormitoriorum, cum quibus ea de-  
liberabit, quæ ad clericorum in mori-  
bus disciplina, ac studijs progressionem  
iuuandam necessaria, aut vtilia iudi-  
cauerit: quos etiam crebrò de singulo-  
rum viuendi ratione interrogabit.

Singulis etiam hebdomadis consul-  
tationem habeat de rebus domesticis, &  
de victu parando.

Pias cohortationes nonnunquam ad  
clericos habeat de his rebus, quas ad  
clericos expedire censuerit.

Interfit etiam aliquando diuinis of-  
ficijs, & horis canonicis in Ecclesia Se-  
minarij; videatq; , an chori disciplina  
seruetur, cæremoniãq; , diligẽter exer-  
ceantur.